

Ալալերախի պղնձահանքը) : Այդ հողերը Վազ-
ներ համարում է Վրաստանի մաս, նրա հարա-
ւային սահմանների վրայ :

Երկրորդ օրը գիշերում են Ինչա (Inscha)
կայարանում, երրորդ օրը՝ Փիլիսում (?Pi-
pis) :

«Այստեղ արդէն մենք մտնում ենք Հա-
յաստանի հարախային երկրամասը» (6) :

Վազներ դիտմամբ օրուան ընթացքում
կարճ ճանապարհ է կտրում, որ ժամանակ ու-
նենայ ուշադիր դիտելու շրջակայքի բնու-
թիւնը : Երբեմն էլ ժամերով կանգ առնել է
տալիս կառքը՝ զանազան բոյսեր, հանքեր եւն .
հաւաքելու : Այդ նպատակով նա շրջապայու-
թիւններ է կատարում Փիլիսում, իսկ իր ու-
ղեկիցները առաջ են շարժում դէպի Քարվան-
սայա գիւղը (այժմ՝ Իջեւան), երկու ժամ հե-
ռաւորութեան վրայ :

Այդ գաւառամասերի բնակչութիւնը, ա-
սում է Վազներ, խառն է՝ հայ-քաքարա-
կան : Ռուս տիրապետութեան հետեւանքով
այդ տեղի թաթարները այնչափ էլ չեն ար-
տագաղթել, թէեւ դարձեալ պակսել են : «Այդ
ժամանակից սկսած՝ այստեղ եւ մանաւանդ
(Անդրկովկասի) հարաւային երկրամասերում
մահճետական բնակչութիւնը գրեթէ կիսով
չափ պակսել է, մինչ քրիստոնեայ տարրերը
հայերի ներգաղթով Տաճկաստանից՝ ուժեղա-
ցել են» :

Քարվանսարայի (Իջեւան) կլիմայական
պայմանները Վազներ բաւական նման է հա-
մարում Կենտրոնական Եւրոպայի կլիմայա-
կան պայմաններին : Այսպէս Վ. հետաքրքրա-
կան համեմատութիւններ է անում Հայաստա-
նի լեռնաշխարհի եւ Գերմանիայի լեռների
բուսական թաղաւորութեանց մէջ : Այդտեղի,
յատկապէս Ռիլիջանի բուսականութիւնը թլ-
անուանում է ստորալպեան, մինչ Դիլիջանից
վերեւ արդէն նոր սկսում է Հայաստանի Ալպ-
եան լեռնաշխարհը :

Դիլիջանից Երեւան տանող ճամբու վրայ է
գտնում Սեւանայ լիճը՝ համանուն վանքով,
որ եւ այցելում ու նկարագրում է Վազներ :
Սրա ասելով՝ եւրոպացի ճամբորդների թուով
Շարդէնն (Chardin) առաջինն է, որ յիշա-
տակութիւն է անում Սեւանի մասին : Յոյն

պատմիչները եւ աշխարհագրագէտներն ըստ
երեւոյթին ծանօթ չեն եղել Սեւանայ լճին,
նմանապէս՝ արարականները : Շարդէնն եւս
անձամբ չէ տեսել Սեւանը, այլ նրա մասին
լճի շրջակայքի հայ գիւղացիներից տեղեկու-
թիւններ է հաւաքել՝ Հայաստանում եղած մի-
ջոցին» :

Պարբոտն էլ այդ կողմերը չէ եղել, քանի
որ նա Հայաստան երթ ու դարձին անցել է Ա-
բարանի (Աշտարակի) ինճուղով : Դիւբուա դը
Մոնպերէօրը (Dubois de Montperreure) մի-
այն անցել է շտապ լճի եզերքով, դրանից ութ
տարի առաջ, այն եւս՝ ձմեռ ժամանակ (գիե-
տըրուար), որից եւ՝ նրա աղքատիկ ու թերի
ծանօթութիւնները :

Վազներ որոշում է բնագիտական-հանքա-
բանական ուսումնասիրութեան նպատակով,
Սեւանայ վանքն այցելել, իսկ Արտվեան եւ
Վ-ի միւս ուղեկիցը Բարոն Հ-Գ, անցնում են
Երեւան, ուր նրանք կրկին պիտի հանդիպէին :

Վազներ Սեւանի կլիմայի ու բնութեան
մասին անում է մի շարք հետաքրքրական դի-
տողութիւններ, որ զուտ մասնագիտական ար-
ժէք ունին : Վանքի միաբանների թիւը եղել է
15, իսկ դրանից առաջ՝ եռապատիկ աւելի :
Վանականների կենցաղը շատ տխուր տպաւո-
րութիւն է թողնում ճամբորդի վրայ — տգի-
տութիւն, ծուլութիւն չորս կողմը : «Բացի Ս .
Գրքից ու մի քանի եկեղեցական գրքերից ու
աղօթամատեաններից՝ վանքը չունի եւ ոչ մի
գրադարան : Վանականները բնաւ չգիտեն թէ
ինչ է ընթերցանութիւնը : Աղօթամատեան-
ներն էլ վաղուց գոց գիտնն : Ոչ գրում են, ոչ
վարժարան ունին, ոչ երաժշտութեամբ են
զբաղում, ոչ այգեմշակութեամբ, ոչ էլ
դաշտային ու այլ աշխատանքներով... Սեւա-
նում միս ուտել չգիտնն, ութ ամիս շարունակ
տարուան մէջ՝ մինչեւ իսկ կաթ ու հաւկիթ
չեն ուտում, այլ ամենապարզ կանաչեղէններ
միայն» :

Կղզու վրայ եւ լճի եզերքներին Վազներ
գիտական պտոյտներ է անում, հանքային ու
բուսական նմուշներ, ինչպէս նաեւ միջատներ
հաւաքում, կլիմայական հետազոտութիւններ
կատարում, շրջակայ գիւղացոց տները, նը-
րանց ձկնորսութիւնը դիտում եւ նկարագը-